



НЕДЕЛЯ ПЯТАЯ СВЯТЫХ ПОСТОВ.

НА ВЕЛИЦЕЙ ВЕЧЕРНИ,

поставим стихов 10, и поем стихиры Осмогласника:

Воскресны 3, и Анатолиевы 3.

И Триоди подобны 3, глас 6. Подобен: Всю отложивше:

1. **Стих:** От стражи утренния до нощи, от стражи утренния,/ да уповает Израиль на Господа.
2. **Стих:** Яко у Господа милость и многое у Него избавление/ и Той избавит Израиля от всех беззаконий его.

Тебе убо возбраняше честных взирания,/ скверн прежде привлеченное сквернение;/ твое же чувство, и твоя богомудрая содеянных совесть,/ к лучшим тебе обращение содеяша./ На икону бо возревши благословенныя Богоотроковицы,/ всех покаявшеся прегрешений своих, всехвальная, пружних, // в дерзновении Честному Древу поклонилася еси. **Дважды.**

3. **Стих:** Хвалите Господа вси языцы/ похвалите Его вси людие.

Местом поклонившися радостно святым,/ добродетели напутное спасительнейшее,/ отгуду прияла еси,/ и зело потекла еси доброе шествие;/ и струю прешедши Иорданскую,/ в жилище Предтечево усердно вселилася еси,/ и страстей свирепство жительством омрачила еси,/ истончавающи в дерзновении,/ приснопамятная мати, // плотская свойства.

4. **Стих:** Яко утвердися милость Его на нас/ и истина Господня пребывает во век.

В пустыню вселившись, / Твоих страстей образы от души отъяла еси, / боговиднейшее изображение в души написавши, / добродетелей виды; / и толико просияла еси, / яко и водами легко преходити, блаженная, / и от земли взиматися в твоих к Богу

молениих;/ и ныне в дерзновении всеславная Марие,/ Христу предстоящи,// молися о душах наших.

СЛАВА, ГЛАС 4:

О чудотвори, Христе, Креста Твоего сила,/ яко и яже прежде блудница,/ постническим подвигом подвизася;/ отнюдуже и немощное отвергши,/ доблественно сопротивоста на диавола./ Темже и почеть победы носящи,// молится о душах наших.

И ныне, догматик гласа. Вход. Свете тихий:

НА СТИХОВНЕ СТИХИРЫ ОСМОГЛАСНИКА.

СЛАВА, ПРЕПОДОБНЫЯ, ГЛАС 2:

Душевная ловления, и страсти плотскія/ мечем воздержания посеклá есі;/ пóмысла прегрешения молчанием обучения подавила есі,/ и струями слез твоих пустыню всю напоила есі,/ и прозябла еси нам покаяния плоды.// Темже Твою память, преподобная, прázднуем.

И НЫНЕ, БОГОРОДИЧЕН:

О, чудесе новаго всех дрéвних чудес!/ кто бо позна Матерь без мужа рóждшую,/ и на руку носящую, всю тварь содержащаго?/ Божие есть изволение, рóждшееся./ Егоже яко младенца, Пречíстая,/ Тво́йма рукама носíвшая,/ и Матерне дерзновение к нему имúщая,/ не престай молящи о чтúщих Тя,// ущедрити и спасти души нáша.

Ныне отпускаеши:

По Трисвятом тропарь Богородице Дево: дважды.

И преподобныя, единожды. Глас 8:

В тебе, мати, известно спасеся еже по образу;/ приимши бо крест, последовала есі Христу́,/ и деющи учи́ла еси презирати убо плоть, прехóдит бо,/ прилежати же о души вещи безсмéртней.// Тёмже и со áнгелы сра́дуется, преподобная Марие, дúх твой.

НА УТРЕНИ,

по шестопсалмии,

НА БОГ ГОСПОДЬ:

тропарь воскресен дважды.

СЛАВА, ПРЕПОДОБНЫЯ, ГЛАС 8:

В тебѣ, мати, известно спасесе еже по образу;/ приими бо крѣст, последовала еси Христу,/ и деючи учила еси презирати убо плоть, преходит бо,/ прилежати же о души вещи безсмертней.// Темже и со ангелы срадуется, преподобная Марие, дух твой.

И НЫНЕ, БОГОРОДИЧЕН:

И же нас ради рождейся от Девы,/ и, распятие претерпев, Благий,/ испровергий смертию смерть,/ и воскресение явлей, яко Бог,/ не презри, яже создал еси рукою Твоею,/ яви человеколюбие Твое, Милостиве./ Приими рождшую Тя Богородицу, молящуюся за ны,// и спаси, Спасе наш, люди отчаянные.

КАНОНЫ ОКТОИХА:

ВОСКРЕСНЫЙ со ирмосом на 4, и Богородицы на 2.

И Триоди 2 канона, на 8. **КАТАВАСИЯ: ОТВЕРЗУ УСТА:**

ПО 6-Й ПЕСНИ КОНДАК ПРЕПОДОБНЫЯ, ГЛАС 3:

Б лудами первее преисполнена всяческими,/ Христова невеста днесь покаянием явися,/ ангельское жительство подражаючи,/ демоны Креста оружием погубляет.// Сего ради Царствия невеста явилася еси,// Марие преславная.

Ексапостиларий утренний воскресный. Слава: преподобныя, писан в Триоди. И ныне: тамже.

НА ХВАЛИТЕХ

поставим стихов 8, и поем стихиры Осмогласника.

Таже преподобныя, глас 1:

Стих: Воскресни, Господи Боже мой, да вознесется рука Твоя, / не забуди убогих Твоих до конца.

Несть Царство Божие пища и питие, / но правда и воздержание со святостию. / Темже не богатии внидут в не, / но елицы сокровища своя в руки нищих влагают. / Сия и Давид пророк учит, глаголя: / праведен муж милуяй весь день, / наслаждаяйся Господеви, / и во свете ходяй не поткнется. / Сия же вся к наказанию нашему писашася, / яко да постящеся благостыню творим, // и даст нам Господь вместо земных небесная.

Слава, паки тойже.

И ныне: Превлагослове нна еси:

Славословие великое, и тропарь воскресен. Таже ектении, и отпуст.

НА ЛИТУРГИИ

Блаженна и прокимен рядового гласа.

ТРОПАРЬ ПРЕПОДОБНЫЯ, ГЛАС 8:

В тебе, мати, известно спасесея еже по образу; / приимши бо крест, последовала еси Христу, / и деючи учила еси презирати убо плоть, преходит бо, / прилежати же о души вещи безсмертней. // Темже и со ангелы срадуется, преподобная Марие, дух твой.

КОНДАК ПРЕПОДОБНЫЯ, ГЛАС 3:

Блудами первее преисполнена всяческими, / Христова невеста днесь покаянием явися, / ангельское жительство подражаючи, / демоны Креста оружием погубляет. // Сего ради Царствия невеста явилася еси, // Марие преславная.

Прокимен воскресный, гласа.

Причастный: Хвалите Господа с небес: